

<b>ENW'R PWYLLGOR CRAFFU</b>	<b>Pwyllgor Craffu Gwasanaethau</b>
<b>DYDDIAD Y CYFARFOD</b>	<b>22 Medi 2015</b>
<b>TEITL YR EITEM</b>	<b>Cynllun TRAC</b>
<b>AELOD CABINET</b>	<b>Y Cynghorydd Gareth Thomas</b>

## **1. Cyflwyniad & Chefndir TRAC**

1.1 Mae TRAC yn gynllun sy'n cael ei harwain gan y 6 awdurdod lleol ar gyfer darparu y sgiliau a'r gefnogaeth addas i ddisgyblion a phobl ifanc mwyaf bregus y sir. Gwneir hyn ar gyfer harfogi'r garfan i lwyddo a chyrraedd eu potensial mewn addysg, hyfforddiant neu gwaith ac felly yn lleihau'r niferoedd NEET ac y rhai mewn peryg o fod yn NEET yn y Rhanbarth.

1.2 Cyngor Sir Dinbych yw'r corff arweiniol parthed rheolaeth a monitro cynllun busnes rhanbarthol ac yn gyswllt uniongyrchol gyda swyddogion WEFO ar ran y 6 awdurdod lleol. Mae'r cynllun TRAC wedi ei gynnwys o fewn y Cynllun Sgiliau & Chyflogaeth Rhanbarthol ac hefyd wedi ei gymeradwyo gan Fwrdd Uchelgais Gogledd Cymru.

1.3 Bydd TRAC yn cael ei gyllido trwy Gronfa Gymdeithasol Ewrop (West Wales and the Valleys Programme, Priority Axis 3 (Youth Employment and Attainment), Specific Objective 2 (Reducing the number of young people aged 11-24 at highest risk of becoming NEET)).

1.4 Anelir i gychwyn y cynllun Medi 2015 hyd at Awst 2018 gyda'r posibilrwydd o ymestyniad hyd at Awst 2020.

1.5 Nod y cynllun fydd "mabwysiadu dull weithredu o adnabod disgyblion bregus yn gynnar ac ymateb i'w anghenion trwy ddarparu cwricwlwm a chefnogaeth addas ar eu cyfer."

1.6 Mae'r cynllun TRAC rhanbarthol / AL yn gorfod ymateb i ofynion penodol sydd wedi ei nodi o fewn Y Fframwaith Ymgysylltu & Datblygu Ieuenctid ( YEPF). Mae'r fframwaith yn rhoi rôl strategol ac allweddol i awdurdodau lleol i gynllunio , datblygu a gweithredu systemau ar gyfer sicrhau bod pobl ifanc yn ymgysylltu'n well mewn addysg, hyfforddiant, gwaith. Mae'r cynllun TRAC yn cyfrannu at dargedau canlynol yn y fframwaith:

- Nifer y bobl ifanc 16-18 oed nad ydynt mewn addysg, cyflogaeth na hyfforddiant 9% erbyn 2017.
- Cyfran bobl ifanc 19-24 oed nad ydynt mewn addysg, cyflogaeth na hyfforddiant yng Nghymru o gymharu â'r DU yn ei chyfanrwydd erbyn 2017.

1.7 Mae prosiect TRAC Gwynedd yn yr ysgolion wedi ei anelu at ddysgwyr ym mlynnyddoedd 7-13 sydd wedi eu hadnabod fel y rhai sydd yn fwyaf agored i gollu diddordeb mewn addysg. Disgwylir bydd gan y dysgwyr hyn anghenion cymhleth sy'n gysylltiedig â'u problemau cymdeithasol, ymddygiad, anghenion addysg yn ogystal ag lles emosiynol ac iechyd meddwl. Trwy alluogi dysgwyr i gael mynediad at gefnogaeth a darpariaeth / rhaglenni amgen wedi eu teilwra, bydd TRAC yn ail-ennyn diddordeb ac yn ysgogi dysgwyr, cynyddu hyder a hunan-barch dysgwyr, a hybu dyheadau dysgwyr i gyrraedd eu llawn botensial o ran dysgu, ac felly leihau'r perygl iddynt ddod yn NEET. (dim mewn addysg/hyfforddiant/gwaith).

1.8 Mae nifer fach o ddisgyblion yng Ngwynedd sydd allan o addysg prif lif ar ddiwedd blwyddyn 11 oherwydd nifer o ffactorau gwahanol gan gynnwys gwaeledd. Bydd y cynllun hwn yn darparu mwy o gyfleuoedd a chefnogaeth i'r disgyblion yma mewn ymgais i leihau'r nifer o ddisgyblion sydd yn dadrithio.

## **2. System Adnabod y Grŵp Targed & Chyfeirio i TRAC:**

2.1 Caiff y grŵp targed eu hadnabod trwy 2 gam (gweler tabl isod).


2.2 Cam 1 yw System Adnabod Cynnar (SAC) yr Awdurdod Lleol (AL). Mae Gwynedd ac Ynys Môn wedi datblygu System Adnabod Gynnar drwy ddefnyddio set o ddangosyddion sydd yn systematig yn adnabod y dysgwyr hynny sydd yn wynebu'r perygl mwyaf o ymddieithrio oddi wrth addysg, cyflogaeth a hyfforddiant. Mae'r system wedi ei rhedeg ymhob ysgol uwchradd yn ystod 2014-15 a bellach mae pob awdurdod ar draws y gogledd wedi mabwysiadu'r system.

2.3 Mae'r system yn cael ei liwio gan ddata sydd ar gael yn barod drwy SIMS, ac mae'r 6 ALL ar draws y rhanbarth wedi comisiynu cwmni CAPITA i roi'r system ar fas data'r adran addysg sef ONE. Bydd hyn yn sicrhau bod gan yr awdurdod rheolaeth lawn yn nhermau adnabod a monitro'r grwp targed.

2.4 Mae'r System Adnabod Gynnar (SAC) yn rhan o broses fydd yn cael ei ddefnyddio gan ysgolion a'r awdurdod, er mwyn adnabod disgyblion sydd angen cefnogaeth / darpariaeth ychwanegol / arbenigol cyn iddynt gyrraedd y cyfnod trosglwyddo ôl 16. Bwriedir i'r system adnabod gynnar drwy'r Rheolydd Ymgysylltu gael ei ddefnyddio i gefnogi

partneriaid i ddatblygu ymyriadau mwy perthnasol ac effeithiol yn ogystal â nodi bylchau mewn darpariaeth leol.

2.5 Bydd ysgolion, AL a'r Rheolydd Ymgysylltu hefyd yn defnyddio gwybodaeth ychwanegol a gaiff ei ganfod trwy gyfrwng dull partneriaethau amlasiantaethol (Paneli Mynediad Ardal) ac mae hwn yn ffurfio Cam 2 o'r broses o adnabod dysgwyr sydd mewn perygl o beidio ymgysylltu ôl 16 a cholli diddordeb:



2.6 Nifer grŵp targed ar gyfer y cynllun yw 480 o ddysgwyr.

### 3. Sefyllfa Bresennol:

#### 3.1 Darpariaeth Bresennol

Ar hyn o bryd, caiff dysgwyr sydd mewn perygl o gollu diddordeb ystod o gefnogaeth ac ymyriadau trwy gyfrwng y ddarpariaeth prif lif canlynol:

1. Gweithwyr leuencid mewn nifer fechan o ysgolion uwchradd
2. Cwrsela wedi ei leoli mewn ysgol
3. Gwasanaethau Lles Addysg
4. Rhaglen Profiad Gwaith Estynedig wedi ei chyd-gomisiynu gyda Llywodraeth Leol Ynys Môn
5. Cwricwlwm Amgen 14-19
6. Unedau cynhwysiad o fewn ysgolion uwchradd
7. Swyddog Cynhwysiad Cymdeithasol
8. Mentrau Grant Amddifadedd Disgyblion

3.2 Fodd bynnag, nodwyd trwy ymgynghori/mapio gydag ysgolion uwchradd yn ogystal a thrafodaethau ac phartneriaid allweddol, bod cefnogaeth ychwanegol ac ymyriadau'n hanfodol, ond nad ydynt ar gael ar gyfer carfan sylweddol o ddysgwyr sydd wedi ymddieithrio. Tra'n elwa o'r mentrau uchod, mae arnynt angen cefnogaeth bellach un i un sydd wedi ei deilwra oherwydd y math o rwystrau maent yn eu hwynebu yn sgil eu profiadau bywyd anhrefnus, problemau emosiynol a problemau iechyd meddwl.

3.3 Mae trefn cyllido o flwyddyn academiaidd 2015/16 ymlaen yn golygu gostyngiad yng nghyllidebau'r awdurdod a'r grantiau sy'n targedu'r disgyblion bregus megis Rhwydwaith 14-19. O ganlyniad i hyn, mae'n dwysau'r angen i TRAC allu gynllunio'n gydlynus gyda holl adrannau ac asiantaethau sy'n cynnig darpariaeth i'r disgyblion yma. Bydd TRAC yn gwneud hyn drwy'r elfennau allweddol o fewn y fframwaith ymgysylltu (YEPF);

#### System Adnabod Cynnar (SAC)

- Defnyddio system safonol & chyson ar draws y sir /rhanbarth ar gyfer adnabod y disgyblion mwyaf bregus trwy'r SAC, cynllun Pass ynghyd a gwybodaeth broffesiynol.

#### Broceriaeth

- Broceru a chydlynu'r gwasanaethau a'r darpariaethau addas ar gyfer dysgwyr drwy tim TRAC canolog.
- Sefydlu Paneli Mynediad Ardal

#### Tracio

- Monitro, adrodd a thystiolaethu mwy cadarn mewn cynnydd, data a chanlyniadau dysgwyr trwy'r SAC a'r Paneli Mynediad Ardal.
- Sefydlu system tracio yn ystod cyfnod trosglwyddo cyn 16 i ôl 16

## Darpariaeth

- Bydd TRAC yn ffocysu ar 3 elfen penodol o ddarpariaeth
  1. Cyfoethogi'r Darpariaeth Cwricwlwm Amgen drwy'r fframwaith lleol.
  2. Ehangu'r Pecyn Cefnogi
  3. Cefnogi'r broses yn ystod adegau pontio

## Atebolrwydd

- Mae'r Cynllun TRAC yn cael ei arwain ac ei rheoli o fewn gwasanaethau addysg.
- Bydd trefniadau atebolrwydd yn digwydd ar lefel lleol a rhanbarthol.
- Mesuryddion llwyddiant

## Cynaliadwyaeth

- Cyflawni rhaglen uchelgeisiol ar gyfer parhau a datblygu'r gwasanaeth ôl nawdd Ewropeaidd 2018-2020 i barhau gyda'r cynllun
- Datblygu protocolau ac systemau aml asiantaethol ar gyfer rhannu adnoddau a rhoi gwerth am arian.
- Buddsoddi mewn systemau sydd yn gallu cael eu cynnwys o fewn darpariaeth prif lif.
- System Adnabod Cynnar yn rhan o systemau prif lif yr awdurdod/ysgolion

## 4. Canlyniadau y Cynllun TRAC:

Allbwn	Targed
<b>Nifer o gyfranogwyr mewn risg o fod yn NEET (11-24)</b>	480
<b>Nifer o gyfranogwyr mewn risg o fod yn NEET (11-24) – Gwrywaidd</b>	244
<b>Nifer o gyfranogwyr mewn risg o fod yn NEET (11-24) – Benywaidd</b>	236
Cyfranogwyr oed 11-13	180
Cyfranogwyr oed 14-16	255
Cyfranogwyr oed 16-19	45
O dan Lefel 2 (NQF) (Sgiliau Sylfaenol & Lefel 1)	175
Lefel 2	45
Cyfranogwyr yn Ennill Canlyniadau Cadarnhaol eraill	270
Cyfranogwyr gydag anabledd / Cyflwriechyd sy'n cyfyngu ar waith	26
Ymfudwyr / BME / Lleiafrifoedd	18
Cyfranogwyr gyda cyfrifoldebau gofal / gofal plentyn	10
<b>Canlyniadau (o fewn 4 wythnos o adael)</b>	
<b>Nifer o gyfranogwyr mewn risg o fod yn NEET (11-24) yn ennill cymwysterau wrth adael .</b>	72
<b>Nifer o gyfranogwyr mewn risg o fod yn NEET (11-24) mewn addysg neu hyfforddiant wrth adael</b>	215
<b>Nifer o gyfranogwyr mewn risg llai o fod yn NEET wrth adael</b>	238

## 5. Cyllid Cynllun TRAC:

Penawd Gwariant	Cyfanswm Gost	Arian Cyfatebol	Swm Grant
Adnoddau Dynol	24,794.66	0.00	24,794.66
Marchnata	6,000.00	0.00	6,000.00
Costau Cyffredinol	219,728.48	194,416.69	25,311.79
Costau Rheoli Rhanbarthol	39,934.32	3,427.24	36,507.08
Staff	1,464,856.51	439,888.51	1,024,968.00
Hyfforddiant (Cyrsgiau Disgyblion)	223,617.47	0.00	223,617.47
Cludiant a Theithio	78,270.00	0.00	78,270.00

Cyfanswm Gwariant 2,057,201.44

Arian Cyfatebol 637,732.44  
Grant 1,419,469.00

Cyfradd Ymyrraeth 69.00